

浩亭集







浩亭先生文集卷之四

附錄

勲盟書

定

宗大王

勲盟書

庚辰○盟書今不傳

太

宗大王

勲盟書甲申

維歲次甲申十一月己亥朔十六日甲寅

朝鮮國王臣李

謹率開國定社佐命功臣等敢

昭告于

帝

宗廟

皇天上



社稷山

川百神之靈伏以國之有君臣朋友猶家之有父子兄弟當以忠信誠慤固結其心永保終始况乎要質鬼神歟血同盟者哉惟我

太上王

以神武之資獲

天人之

助而予小子亦克左右弼成大業開國之初首與勲

臣同盟以固忠信不期權奸懷私背盟分明造黨挾

幼奪嫡謀害我兄弟將危我

宗社幸

賴

天地

宗社陰

薦之佑忠賢奮義克徒自瀆以嫡以長扶立



上王天  
倫是正

宗社并

定又與勲臣同結盟好未幾談邪復背其盟構釁閱

墻稱兵作亂親勲將相應機戡定罪人斯得旣伏厥

辜是則違盟必戮現有徵驗可不懼哉逮予小子繼

位之後又與佐命之臣同歆盟血期與保全于茲有

年自是三盟之臣協心輔我式至今休凡有慶吊相

與赴集可謂和洽無間矣尚慮前後不與同盟者其

心猶以爲未固也特消吉日乃會三盟之臣昭告

祗更尋前盟以固其志自今旣盟之後各自勉勵異

體同心忠誠相信恩愛相好親如骨肉堅如金石殫

上下神



社稷利

誠竭忠夾輔王室忘其私憾惟順公道常以安

國家爲念孜孜協力終始無變永享福祿共保安榮  
世世子孫無忘今日苟有匿私挾邪渝盟背好潛懷  
疑貳外親內忌構讒造孽分朋結黨陰圖傾覆誣陷  
同盟者是欺

天地慢

鬼神背君父也幽則必有神誅明則必有王法非止  
其身殃及子孫有犯關係

社稷者

當以法論亦如前盟所載是皆自取其誰之咎

天地神

明昭布在上各欽誓言永勉無忽謹以清酌大牢式

陳明薦尚



饗

國王臣李

太宗大

王諱

御諱騰傳極

為未安茲

不敢直書

只付標云

爾



國王聖

○○

只廿縣云  
不律直書

天

太

明

我

明

以

明

明



同德奮義開國靖難定社佐命功臣義安大君臣 和

推忠協贊靖難定社功臣寧安君臣 魯良佑

推忠協贊靖難定社功臣奉寧君臣 蕭福根

翰忠翊戴佐命功臣完川君臣 卞淑

奮忠仗義同德開國靖難定社功臣大匡輔國崇祿大夫上洛府院君臣 金士衡

奮忠仗義靖難定社佐命功臣大匡輔國崇祿大夫晉府院君臣 河崙崙

翰忠同德翊戴佐命功臣大匡輔國崇祿大夫昌寧府院君臣 成厚石璘

奮忠仗義同德開國靖難定社功臣大匡輔國崇祿大夫議政府左政丞平壤府院君臣 趙浚

推忠翊戴同德開國功臣大匡輔國崇祿大夫議政府右政丞安平府院君臣 李昂舒

奮忠仗義開國靖難定社佐命功臣大匡輔國崇祿大夫丹山府院君臣 李芹茂

奮忠仗義開國靖難定社佐命功臣大匡輔國崇祿大夫領中樞府事漢山府院君臣 趙葵茂



推忠協贊靖難定社功臣輔國崇祿大夫青原君臣沈宗淙

推忠翊戴開國功臣輔國崇祿大夫寧城君臣吳愚

推忠靖難定社佐命功臣崇政大夫判司平府事完山君臣李肩香

推忠協贊開國定社佐命功臣崇政大夫漢川君臣趙溫

推忠翊戴開國佐命功臣崇政大夫星山君臣李稷稷

純忠奮義開國功臣崇政大夫議政府贊成事宜寧君臣南在

奮忠仗義開國定社佐命功臣正憲大夫平原君臣趙璞

推忠翊戴佐命功臣正憲大夫叅贊議政府事吉昌君臣權近

推忠靖難定社佐命功臣正憲大夫叅贊議政府事安城君臣李蒼

純忠奮義開國定社功臣正憲大夫花山君臣張當

推忠翊戴開國定社功臣正憲大夫延城君臣金輅



推忠翊戴佐命功臣正憲大夫文城君臣柳高亮

推忠翊戴開國功臣正憲大夫扞城君臣孫興宗

推忠翊戴佐命功臣資憲大夫漆城君臣尹武抵

推忠翊戴佐命功臣前資憲大夫叅判承樞府事義城君臣金英烈

推忠靖難定社佐命功臣資憲大夫鷲山君臣辛克禮

純忠奮義開國定社功臣資憲大夫清城君臣鄭擢

推忠協贊開國功臣資憲大夫長城君臣鄭壽龍壽

推忠協贊開國功臣資憲大夫藝文館大提學玉川君臣劉敞

推忠協贊開國功臣資憲大夫中軍都摠制府都摠制平城君臣趙將

推忠翊戴佐命功臣資憲大夫蓮城君臣金甯定卿

推忠靖難定社佐命功臣資憲大夫叅判承樞府事驪江君臣閔無咎



推忠翊戴靖難定社佐命功臣資憲大夫驪城君臣閔戾無疾

推忠協贊開國功臣資憲大夫南陽君臣洪吉旼

推忠翊戴開國功臣資憲大夫興寧君臣安景泰

推忠翊戴開國功臣資憲大夫西川君臣韓巖尚敬

推忠奮義佐命功臣資憲大夫鷄城君臣李珪來

推忠翊戴開國佐命功臣嘉靖大夫義原君臣黃昌居正

推誠翊戴佐命功臣嘉靖大夫麗山君臣金承憲

推忠翊戴開國定社功臣嘉靖大夫花城君臣張思靖

推誠翊戴佐命功臣嘉靖大夫麻城君臣徐益

推忠翊戴佐命功臣嘉靖大夫坡平君臣尹坤

推忠翊戴佐命功臣嘉靖大夫陽城君臣洪弼恕



推忠翊戴開國功臣嘉靖大夫興城君臣李敷敷

推忠翊戴開國功臣嘉靖大夫驪川君臣閔 汝翼

推忠翊戴佐命功臣嘉靖大夫漆原君臣尹子當子當

推忠翊戴佐命功臣嘉靖大夫會寧君臣馬穀天牧

推忠翊戴佐命功臣嘉靖大夫豐川君臣沈龜龜齡

推誠翊戴佐命功臣嘉靖大夫利城君臣徐 愈

推誠翊戴佐命功臣嘉靖大夫鐵城君臣李 三 原

推忠翊戴佐命功臣嘉靖大夫潘城君臣朴 訔

推忠翊戴佐命功臣嘉靖大夫瑞寧君臣柳元 沆

推忠翊戴佐命功臣嘉靖大夫知承樞府事漢平君臣趙洎 洎

推忠翊戴開國功臣嘉靖大夫叅知議政府事兼司憲府大司憲東原君臣咸 傳霖



推忠翊戴開國功臣嘉靖大夫叅知承樞府事沔城君臣韓燧珪

推忠翊戴佐命功臣嘉靖大夫右軍都摠制府摠制通原君臣李漢從茂

推忠翊戴佐命功臣嘉靖大夫叅知承樞府事谷城君臣迺鬲嗣宗

推忠翊戴佐命功臣嘉靖大夫左軍都摠制府同知摠制熙川君臣金宇

推忠翊戴佐命功臣嘉靖大夫中軍都摠制府同知摠制平陽君臣趙希閔

輸忠翊戴佐命功臣嘉靖大夫原平君臣尹穆

翊戴佐命功臣嘉善大夫中軍都摠制府僉摠制臣文旌彬

翊戴佐命功臣通政大夫承樞府知申事臣朴錫錫

翊戴佐命功臣通政大夫承樞府左代言臣李萬蒿

翊戴佐命功臣通政大夫承樞府右代言臣李膺膺

翊戴佐命功臣果毅將軍虎勇巡衛司護軍臣宋居信



教書

定宗大王定

社策勲時

賜牌教書

戊寅十月日○  
教書今不傳

太宗大王佐

命策勲時

賜牌教書

辛巳二月日

王若曰不遇盤根何以試利器不賴良士無以定國  
亂維爾蘊不羈之才秉難棄之節力可以扼虎勇  
可以無人變通適用殉義忘身服勞王家夙著成  
蹟且精射藝發而必中所謂熊虎之士瓜牙之才  
者也當逆臣朴苞等陰挾宗親煽亂之日社稷  
之危間不容髮爾乃不愛軀命以殉大義奮臂而  
群凶懾伏長呼而大懟克清扶社稷於累卵之



危措國家於泰山之安予用嘉之曰篤不忘仍命  
有司繪形立閣紀績鐫碑兼錫土田臧獲銀帶一  
腰表裏一套旣馬一匹至可領也烏乎膺茲異數  
懋昭乃勲對揚鴻休無替成命故茲教示想宜知  
悉

荅進明命樂章

教書

壬午六月日

王若曰蓋聞君臣之間貴於進戒聳樂之道在乎衆  
成故九叙之歌禹旣戒之賡載之歌皋陶亦陳之  
此虞廷君臣交相警戒以興至治者也迨乎成周  
其道寢備雅頌之作洋洋至今惟卿天資明敏學



術精微所見之正卓爾其高所守之堅確乎不撓  
入而陳謨必盡其規益出而施政必極其精詳嘗  
戮力以定社又殫誠而佐命嘉乃丕績再與  
同盟俾長庶僚以輔予治今觀所進覲天廷受  
明命樂章二篇匪直詠歌功於陳戒惟予之入覲  
也臣子職分之當然其受命也天子恩數之幸  
及其在否德皆無可歌卿乃作爲詩歌以寓勸勉  
規戒之意蓋欲永思其艱以保其成於無窮也忠  
義之誠藹然可嘉矧其辭義之雅聲氣之和可以  
追配古之作者亦可以傳於後世也觀覽之際良



深感愧已令有司被之管絃以爲宴享之樂不忘  
規戒之辭於戲七德舜歌雖可愧事功之不逮五  
言出納宜益在治忽而罔愆遣書指不多及故茲  
教示想宜知悉

以領議政致仕時

賜牌教書

丙申四月日○  
以下教書二

章今  
不傳

聞計時致祭

賚教

丙申十一月日

英宗大王特命大臣引見入

侍時傳教

甲午四月日

河漢通人物端正奏對詳明可合大臣立后

議大臣

傳教

同年月日



上曰大臣之議何如

立后時

特教

同年月日

上曰故例已多特許立后可也事

事實

先生天資重厚識明而量弘德崇而學優端委廟堂  
決疑定策氣像毅然不以毀譽動其中嘉謨嘉猷啓  
沃弘多仁於宗族信於朋友居家不治生產性好讀  
書陰陽醫藥星經地理皆極其精禮樂制度多所叅  
定經國文翰事大驛今必經公手而乃定

出名  
臣錄

洪武二十年鄭夢周河崙姜淮伯李崇仁建議革胡



服襲率制大明使徐質見之歎曰不圖高麗復襲中

國冠帶

天子聞之豈不嘉賞耶

史出麗

先生獻無逸立政二簇又書朱文公仁字說作屏以  
獻王下教褒獎曰在江湖憂君之志發爲箴規集聖  
賢垂鑑之言代充玉帛前旣筆之於簇今又著之于  
屏尋常布置于左右觀覽修省乎心衷因以繩愆而  
糾繆何湏顯諫而明爭外則觀風俗之盛衰內則慮  
君臣之善惡賀予誕辰者雖衆如卿稱職者無多念  
焉在茲歎嘉不已

史出麗

己巳十一月昌廢恭讓王立猶自長湍入賀王親享



太廟告即位有司請撤耦母神主穡曰此事未保其  
終姑徐之已而思忠趙璞等上疏極論穡之昌迎耦  
及覆飾詐之罪命罷穡父子廢敏修爲庶人臺諫交  
章論穡種學止於罷職則萬世姦賊何所懲乎宜下  
攸司明正其罪李崇仁河崙前爲仁任腹心後徇穡  
奸計種學以立昌爲父之功言於宦官李芬請令有  
司論罪於是流穡父子崙芬于外徙敏修于三陟二  
年庚午春諫官又上疏請置穡敏脩等極刑乃并徙  
邊遣思忠田時鞫穡于長湍使獄卒執杖立左右竟  
日通夜逼供獄辭臺諫復論敏修穡近等遂徙穡于



咸昌餘皆流貶繼有趙胖王昉自京師回啓尹彛李  
初訴帝之言臺諫相繼請鞠彛初之黨大獄遽起遂  
逮繫鞠李琳禹仁烈李仁敏鄭地李崇仁河崙權近  
李種學李貴生等于清州遣門下評理尹虎同楊廣  
道都察柳珣鞠鞠等方鞠諸囚忽雷雨大作前川暴漲  
毀城南門直衝北門城中水深丈餘漂沒官舍民居  
殆盡獄官蒼黃攀樹木以免事聞命放諸囚安置  
初我

太祖大王欲遷都鷄龍山公以漕運路遠力諫止之遂  
治漢城時公爲監役使 太祖信無學以爲國師既



立景福大闕伊時宰相皆踈於地理而公於星經地誌無不通曉故見其列礎方向招致其僧曰高麗之七由於崇佛覆轍在前而汝不知爲戒反襲其謬耶僧曰高麗之歷年五百亦崇佛之致也公曰檀箕享國皆千有餘歲其時曾無左道也汝若不改方向則此國家存亡之機會當斬汝頭僧素畏公放聲大哭曰吾道從此亡矣遂改方向闕門外立議政府五曹分設左右而戶曹別立他坊公又招致其僧曰六曹當分設東西但立五曹何也僧曰國富兵強可以久安而彼坊財賦聚會之地立之戶部也公曰汝終是



方外之人焉知治國之道也今若立戶曹於此地則世必有聚歛之臣而聚歛於民其國必貧故傳曰與其有聚歛之臣寧畜盜臣此地則當立市廛之房與民同利也遂移戶曹於政府之下公以謂京城之內多生啗啞故別爲市井方言使不得易曉以杜其弊

**靖**

安大君

即太宗大王

有化家爲國之功而

太祖寵神德

王后愛其子昭悼撫安權臣有欲挾幼擅政以肆已志者請立撫安爲世子奪靖安宮武士三百移給撫安禍幾斯迫時浩亭公拜忠清監司將發行太宗往餞于家賓客滿座公見王子來餞親執酒盃



伴醉覆酒饌盤污穢 御衣 太宗大怒曰主人不  
敬客太甚曰起而去公謂座客曰 王子怒去不得  
不謝遂隨而行 太宗僕從曰監司來矣 太宗不  
顧至大門下馬公亦下馬 太宗入中門內門公亦  
隨之 太宗始疑之顧問曰何爲至此公曰 王子  
事危矣所以覆盃者將有傾覆之患故預告之也遂  
引入寢室問計公曰此事皆權臣主之也今臣忠清  
之行亦剪除羽翼之計若或遲留禍必立至不得不  
今日發程也今安山郡守李叔蕃率 貞陵移安軍  
到京此人可屬大事公遂行 太宗召叔蕃告之叔



著曰此易如反掌耳何難之有遂率靖安宮中僕從  
及移安軍持兵而出元敬王后亦被甲上馬偕行  
曰今日之事死生難期不可離矣遂分部悉捕奸黨  
斬之推尊恭靖為世子時戊寅八月也

出東閣  
雜記

靖難定社佐命功臣門下右政丞河嵩本賁○右

貞乙佐命功臣錄券良中奇是卧乎事叱殿當使

與別監同議申言建文三年正月二十三日準議政府  
開建文三年正月十五日左副承旨朴信次知口傳

王旨往者逆臣朴苞包藏禍心陰挾懷安父子謀害我  
骨肉遂至稱兵向闕肆為凶逆宗社安危間不容



髮是去有乙上黨侯李仔門下左政丞居易門下右政  
丞河崙判三軍府事李茂門下侍郎贊成事英茂右  
軍摠制叔蕃中軍摠制無咎左軍同知摠制克禮驍  
城君無疾等協心徇義應機決策戡定禍難再安  
宗社盡忠佐 命以有今日爲齊藝文春秋館學士  
李來徇義忘私聞變首告以防禍難盡忠佐 命以  
有今日爲齊義安君和完山侯天祐等聞變赴急以  
制禍難翊戴佐 命以至今日爲齊昌寧伯石璘完  
川君淑門下侍郎贊成事芝蘭開城留侯司留後居  
正知三軍府事尹抵英烈右軍同知摠制尹坤刑曹



與書朴訔都承旨錫命上將軍馬天牧判殿中寺事  
希閔奉常卿柳沂等推誠戮力累曾効忠翊戴佐

命以至今日爲齊叅贊門下府事趙璞三司左使趙  
溫叅贊門下府事權近三司右使李櫻叅知三軍府  
事柳亮中軍摠制趙卿左軍摠制承憲右軍同知摠  
制徐益前同知摠制洪恕兵曹典書子當左承旨李  
原右承旨升商漢城尹昂卿右副承旨徐愈上將軍  
從茂李膺龜齡大將軍嗣承韓珪金字文彬前右軍  
將軍尹穆等輸誠協贊久勤調護翊戴佐 命以至  
今日爲齊軍器少監居信在予潛邸之時當危救患



翊戴佐命以至今日爲齊爲等如並只功勞重大永  
世難忘是去有以褒賞之典有司舉行爲良如教事  
是去有等以王旨內事意乙用良使內向事關是  
白有良<sub>臣</sub>茅叅詳逆臣朴苞包莊禍心陰挾懷安  
父子謀害宗親遂至稱兵向闕肆爲凶逆宗  
社安危間不容髮危急之際上黨侯李好門下左政  
丞李居易門下右政丞河崙判三軍府事李茂門下  
侍郎資成事趙英茂右軍摠制李叔蕃中軍摠制閔  
無咎左軍同知摠制辛克禮驪城君閔無疾等協心  
徇義應機決策戡定禍難再安宗社以有今日實



由 殿下聖德神功天與人歸所致然猶忠義之臣  
同心協力盡忠佐 命克定危難以至今休誠如  
王旨功勞重大永世難忘理合稱下佐 命一等功  
臣立閣圖形樹碑紀功封爵錫土父母妻超三等封  
贈直子超三等蔭職無直子者甥侄女婿超二等田  
幾結奴婢幾口丘史七名眞拜把領十名許初入仕  
嫡長世襲不絕其祿子孫則紀于政案曰佐 命一  
等功臣某之後雖有罪犯宥及永世藝文春秋館學  
士李來徇義忘私聞變首告以防禍難盡忠佐 命  
以有今日義安君和完山侯天祐等聞變赴急以制



禍難翊戴佐 命以至今日誠如 王旨幼勞重大  
永世難忘理合稱下佐 命二等功臣立閣圖形樹  
碑紀功父母妻超二等封贈直子超二等蔭職無直  
子者甥侄女婿迢等田幾結奴婢幾口立史五名真  
拜把領八名許初入仕嫡長世襲不絕其祿子孫則  
紀于政案曰佐 命二等功臣某之後雖有罪犯宥  
及永世昌寧伯成石璘完山君淑門下侍郎贊成事  
李芝蘭開城留侯司留後黃居正知三軍府事尹抵  
金英烈右軍同知摠制尹坤刑曹與書朴訔都承旨  
朴錫命上將軍馬天牧判殿中寺事趙希閔奉常卿



柳沂等推誠戮力累曾効忠翊戴佐 命以至今日  
誠如 王旨功勞重大永世難忘理合稱下佐 命  
三等功臣立閣圖形樹碑紀功父母妻迢一等封贈  
直子迢一等蔭職無直子者甥侄女壻蔭職田幾結  
奴婢幾口丘史三名真拜把領六名許初入仕嫡長  
世襲不絕其祿子孫則紀于政案曰佐 命三等切  
臣某之後雖有罪犯宥及永世叅贊門下府事趙璞  
三司左使趙溫叅贊門下府事權近三司右使李櫻  
僉知三軍府事柳亮中軍摠制趙卿左軍摠制金承  
運左軍同知摠制徐益前同知摠制洪恕兵曹典書



尹子當左承旨李原右承旨李升商漢城尹金昂卿  
右副承旨徐愈上將軍李從茂李膺沈龜齡大將軍  
延嗣宗韓珪金字文彬前右軍將軍尹穆等輸誠協  
贊以勤調護翊戴佐命以至今日軍器少監宋居  
信在殿下潛邸之時當危救患翊戴佐命以至今  
今日誠如王旨功勞重大永世難忘理合稱下佐  
命四等功臣立閣圖形樹碑紀功父母妻封贈直  
子蔭職田幾結奴婢幾口丘史一名真拜把領四名  
許初入仕嫡長世襲不絕其祿子孫則紀于政案曰  
佐命四等功臣某之後雖有罪犯宥及永世上項



功臣褒賞事件一依定 社功臣之例移文各掌舉  
行爲良如教喻乃謹錄申聞爲白乎亦中建文三年  
正月二十四日左副承旨通政大夫經筵叅贊官寶  
文閣直學士知製教藝文春秋館編修官知禮曹事  
臣朴信伏奉 王旨依申教矣一等功臣乙良田各  
一百五十結奴婢各十三口白銀各五十兩表裏各  
一假內廐馬各一匹式以賞賜爲齊二等功臣乙良  
田各一百結奴婢各十口白銀各二十五兩表裏各  
一假內廐馬各一匹式以賞賜爲齊三等功臣昌寧  
伯石璘完川君淑門下侍郎資成事芝蘭開城留侯



司留後居正知三軍府事尹抵英烈右軍同知摠制  
尹坤等乙良田各八十結奴婢各八口白銀各二十  
五兩表裏各一倣內厩馬各一匹式刑曹典書朴嘗  
都承旨朴錫命上將軍馬天牧判殿中寺事希閔奉  
常卿柳沂等乙良田各八十結奴婢各八口銀品帶  
各一腰表裏各一倣內厩馬各一匹式以賞賜爲齊  
四等功臣叅贊門下府事趙璞三司左使趙溫叅贊  
門下府事權近三司右使李稷叅知三軍府事柳亮  
中軍摠制趙卿左軍摠制承憲左軍同知摠制徐益  
前同知摠制洪恕漢城尹昂卿等乙良田各六十結



奴婢各六口白銀各二十五兩表裡各一假內廐馬  
各一匹式兵曹典書子當左承旨李原右承旨升商  
右副承旨徐愈上將軍從茂李膺龜齡大將軍嗣宗  
韓珪文彬金字前右軍將軍尹穆軍器少監居信等  
乙良田各六十結奴婢各六口銀品帶各一腰表裏  
各一假內廐馬各一匹式以賞賜爲良如教右如教  
事是去有良玆錄券施行

出功臣  
都監錄

永樂元年癸未奉教與吉昌君權近大提學李詹

同修三國史略

出陽  
村集

癸未大明太宗皇帝即位遣左政丞河崙賀登極



崙與副价趙璞李詹等議曰天子既與天下更始則  
吾王之爵名印章不可因舊遂申禮部以奏 太宗  
皇帝遣都指揮高得左通政趙居任等來賜誥命印  
章 上賜書褒之賜土田臧獲鞍馬崙等辭 上曰  
卿入奏天子以遺我子孫萬世無疆之休故用錫土  
田臧獲傳諸子孫卿無固辭遂宴于清和亭 出國朝寶鑑  
十一年初中朝太僕少卿祝孟獻之還也李穡子孫  
以河崙權近所製行狀碑銘矚孟獻求誌中國至是  
孟獻以國子助教陳璉所撰誌文授通事送之其文  
有 恭讓君立用事者忌公不附已劾貶長湍等語



上覽之謂左右曰璉焉知璉之行事而叙之詳密乎昔本國使臣有因卜筮而生釁者通使何得私通孟獻其召責之成石璘請璉子孫私通中國之罪

上不從諫官又請璉之子種善之罪上曰種善欲

顯揚其親耳有何罪焉諫官又請河崙權近之罪曰

碑銘言用事者忌公不附已指誰而言歟又曰庚午

五月誣以遣爨初

是時我國叛臣尹爨李初逃入皇朝自以為麗朝人而誣辱我朝

于上國係公等數十人于清州將用峻法鍛鍊成罪天忽大雨館舍皆沒問事官攀樹僅免清之父老以為公忠誠所致爨初之訴于上國已有明降可謂誣



乎其用峻法鍛鍊成罪又指誰而言歟水灾穡果有  
周公之德而致之乎又曰壬申七月我 太上王即  
位忌公者誣公以罪欲加極刑臣等以爲我 太祖  
初非有意開國盡忠王室猶與其黨謀去 太祖禍  
在不測豈無罪而加之極刑乎其所謂忌公者誣公  
以罪欲加極刑又指誰而言歟請訊崙依法治罪近  
斬樞密宅籍沒家產以懲後來崙凡四上疏自辨曰  
所謂忌公者指南閭鄭道傳而言也若用事之臣陰  
謀之事皆以爲出於 太祖之命則如縊殺李種學  
杖殺李崇仁等六七人之事豈 太祖之所知哉



上曰覈實以聞仍謂議政府六曹臺諫曰河崙權近

所言用事者非指

太祖明矣

出國朝寶鑑

十四年漢山府院君趙英茂病革

上欲幸其第視

疾仗衛已列聞卒而止悼甚素膳輟朝三日問公曰

大臣之卒輟朝三日無乃薄乎予思之霍光魏徵之

卒漢主唐宗皆輟朝五日卿知之乎對曰重大臣之

意雖至若至五日則軍國重事必至淹滯

出國朝寶鑑

甘露降于永吉道咸定州公寧百官上箋陳賀上

傳旨不許公

啓曰此實稀世之瑞禮不可廢天錫

嘉貺殿下謙讓不居德至盛也然臣等不勝賀慶



先生上疏請正文廟位次一依中朝顏孟陞五聖子  
張陞十哲以木主易塑像再往中京七年而後成  
置儒學提調時初置十學儒學其一也從左政丞河

崙議也

出文獻  
備考

大明高皇帝或以微事示嚴威觀我何如命休進表  
時議以事大之禮表不可廢丙子賀正清城君鄭擢  
撰表光山君金若恒撰箋翰林盧仁度將表箋就奉  
化伯鄭道傳稟去就道傳訝帝譴託故不考校次詣  
西原君鄭摠加改抹陽村雖知道傳意而乃潤色之  
帝果責徵撰表人道傳以不曾與表箋委病不行陽



村請往

太祖曰卿無帝命不須往陽村力願往辨

與鄭擢盧仁度及計稟使河崙同行帝召問道傳胡  
不來公對曰病甚恐路死不能達權近亦與撰表云

云

先生見河演

謚文孝  
號敬齋

少時在春坊作詩寫之詩爲奇

健筆法迺勁得體歎曰河文學作之河文學寫之亦

人間寶玩

先生嘗曰人謂陶隱詩優於陽村然陶隱頗加雕琢  
陽村出於自然不煩繩削若陽村則陶隱之作爲之  
有餘裕若陶隱則終不能作陽村應制詩矣



先生有經濟大略不拘小節嘗鳳棲榮川郡張樂於  
廳事上令衆妓奏樂於內列羣胥於外左酬右應剖  
決如流適議殿最僚吏欲置先生於下按廉使金湊  
曰河某非常人物不可輕置之也僚吏固請金曰寧  
屈某於一殿而使不復伸乎竟不許後公有定社元  
勲時人歎金有知人之鑑先生有詩留之榮川壁上  
而權花山攀及諸賢多以此題詠於其後

出晉  
陽誌

先生在州時建鄉校等防河穀

在郡西  
二里

德山穀

在郡  
南三

里先是郡常患水灾公等土植木成此二穀民賴其

利

出榮川  
名宦記



六年時久旱公上疏請避位 上曰箋詞功至實非

諫疏予觀方策災異之來非宰相之咎今之不雨罪實在予豈關於卿甲申夏卿以久旱固請避位未幾復有大水之災今日之旱不為卿明矣卿何嫌焉公對曰政令自政府出臣不任責將欲委誰 上曰大臣休戚所同豈有毫髮之疑自今以後勿復動搖務

存大體

出國朝寶鑑

十一年

上親享

宗廟

賜終獻官河崙鞍馬奉

殂官金承露贊禮安省執禮許稠及諸代言各賜廐

馬一匹設飲福宴于廣延樓極歡而罷

出國朝寶鑑



先生以領議政致仕乞退 太宗留之不能得 親  
餞于濟川亭酒酣 上作詩以侑之 手賜教書將  
本州百結田稅 賜公傳及永世踏 御寶而 賜  
之先生退謂鄉人曰 聖上 恩賜老臣而 御筆  
不可藏於私室鄉射堂後別構一閣奉安 御筆百  
結田稅自鄉射堂收捧以爲父老春秋宴飲之資

御筆閣萬曆辛卯爲李  
牧使所焚○出晉陽誌

十四年 上以晉山府院君河崙往咸吉道巡審  
陵寢幸東郊餞之公回至定平卒訃至 上悼甚流  
涕輟朝三日素膳七日 命入殯于京第 親臨賜



謚曰文忠

道德博聞曰文忠  
危身奉上曰忠

公天資厚重平生無疾言

遽色為相務存大體

上曰晉山忠直之臣予尊其

德義常以賓師待之

出國朝  
寶鑑

上聞汴城君韓珪卒謂趙末生曰予聞晉山之訃淚

尚未乾今汴城又卒誰知予今日之心因失聲而哭

召諸臣謂曰頃者晉山府院君之訃至以失經濟大

臣不勝傷悼今又失忠直之臣奈如之何當功臣會

盟之時凡六十餘人今十餘年而存者不過三十感

念存沒寧不悲乎仲月功臣之會已有成法今功臣

之存者少欲以已沒功臣之嫡長超拜官爵使代其



父與會其功臣之有故未赴宴者亦以嫡長代之是  
欲世子相見而慣識耳非世卿之比也

出國朝  
寶鑑

十一年禮曹上元會樂章次第以夢金尺受寶籙爲  
首 上謂承政院曰夢金尺受寶籙是夢與圖識之  
說耳豈可謂樂章之首右副代言趙未生曰麒麟之  
生異於犬羊神人之生異於常人故義稷之生者曰  
履帝武敏歆義契之生者曰天命玄鳥降而生商受  
寶籙夢金尺實太祖受命之符也以爲樂章之首未  
爲不可領議政府事河崙亦曰寶籙之說臣嘗聞之  
開國之前有僧得之不可謂妄也孔子雖不言怪神



然蜀人董五經之說先儒亦言之青青千里之草亦指董卓朱子寓諸感興詩則識亦古人所不廢也

上曰自古帝王之興在乎天命人心豈符識之足論哉乃以覲天庭受明命之曲爲首章 上又謂代言

等曰圖識不足信也今室錄之說予不信矣其一曰

三萁三邑應滅三韓人謂三萁爲鄭道傳鄭摠鄭熙

啓也熙啓無才德無勲勞是果應時而出乎其二曰

木子將軍劔走肖大夫筆非衣君子智復正三韓格

人謂非衣是裴克廉克廉作相不久輔治無效亦皆

應時乎自今樂府宜削此曲崙固請乃以受寶錄爲



第三崙又請 太祖撰歌調以代受寶籙 上許之

崙撰進保東方受貞符二篇 上曰受貞符亦符讖之說恐爲不可宜令政府六曹議之金汝知以崙之言 啓曰有一秘說云高麗都松嶽四百八十年朝鮮都漢陽八千歲高麗氏歷年之數果驗由此觀之秘記之言不可謂誣也因言 太祖開國之時有夢金尺受寶籙之異 上曰昔江充緣武帝恠夢禍及無辜王莽公孫述之輩惑信符讖殃民禍及以此觀之讖與夢不足信也我 太祖開創大業起於天命人心縱無金尺寶籙之異其不能創業乎卿等皆儒



臣也何論說之至此耶羣臣皆俛首唯々而已後崙  
又啓曰臣前日所獻受貞符二篇上以爲不可  
臣以爲受寶符錄雖出讖記天命之先定也其間巷  
歌咏請勿禁上從之

出國朝  
寶鑑

十七年五月隕霜上曰予自踐位以來每見夏月  
繁霜水旱不調稽諸經史有曰夏月繁霜由於用刑  
失情今宜明慎之又曰曩者晉山爲首相時人以爲  
災變皆晉山所召也今晉山已沒宰相屢更猶且如  
此非宰相之過皆予否德所致也

出國朝  
寶鑑

四年

世宗朝

上命柳觀尹準改修高麗史初鄭道傳鄭



摠等修史曰李穡李仁復所撰金鏡錄撰之道傳以  
元王以下事多僭擬稱宗者書王稱節日者書生日  
朕則書予詔則書教乃多更改以後其實是非出於  
愛惡善惡謬於舊史河崙獻議於朝稽舊史就加筆

削未就而卒

出國朝  
寶鑑

先生有經濟才佐我太宗爲定社佐命功臣

封晉山府院君官至領議政謚文忠配享太宗廟

有浩亭集行于世

出晉  
陽誌

龍興江在永興府古名橫江先生奉使至江都巡問  
使姜淮伯置酒中流請曰府乃度祖桓祖卜宅



三十五

三十五

之地而 太祖誕生于是此江尚無名稱不亦一欠  
乎先生乃以龍興名焉

出興誌  
勝覽

浩亭先生文集卷之四



浩亭先生文集卷之五

附錄

叙述

太祖大王健元陵神道碑陰記曰恭惟我太祖以至  
德豐功草創鴻業日勤于治乃以失豫彌留禪位貽  
謀父享榮養於永樂戊子春正月又不豫我殿下  
至誠克敬祈天請命乃得小瘳五閱月而又作薨于  
正寢以禮葬于儉巖山距京城二十許里山之來根  
於長白蜿蜒二千餘里至鐵巖折而西數百里停而  
峙焉曰白雲又南迤百餘里北構而面南即儉巖也



陵則癸坐而丁向直 陵之丙方四百二十一尺  
立石以記我 太祖功德始終之盛既詳矣 殿下  
又以爲開國功臣名氏當刊于碑之陰其定 社佐  
命功臣亦皆應機定策以弘大我 太祖勅垂之  
業者其并刊之用示不泯 命臣季良識之 臣竊惟  
天之生大德以主斯民也必有股肱輔弼之臣奔走  
先後開之於前守之於後大勲以集大業以弘我  
太祖之興也則宥文武大臣灼知天命實能左右啓  
迪之若定 社於戊寅佐 命於庚辰亦莫非勲親  
良弼相與輔相克成厥功以永洪祚是宜刻銘于石



垂輝將來而我 殿下顯揚 祖烈廢獎勲臣之義  
亦當僅傳而不朽矣

開國功臣

益安大君芳毅

門下侍中裴克廉

平壤府院君趙浚

上洛府院君金士衡

興安君李濟

義安大君和

鷄林君鄭啓



卷之二十一  
二  
青海君李芝蘭

宜城君南閭

花山君張思吉

西原君鄭摠

漢山君趙仁沃

宜寧君南在

清城君鄭擢

益和君金仁贊

坡平君尹虎

商山君李敏道



戶曹典書趙英圭

復興君趙 胖

漢川府院君趙 溫

南陽君洪吉畎

玉川府院君劉 敞

平城府院君趙 狷

平海君黃希碩

興寧府院君安景泰

鷄林君金 綢

中樞院副使柳爰廷



星山府院君李 稷

寧城府院君吳思忠

安平府院君李 舒

漢山府院君趙英茂

完城府院君李伯由

興原君李 敷

延城君金 輅

高城君高 呂

平原君咸傳霖

西原君韓尚敬



上護軍韓忠

驪川府院君閔汝翼

定社功臣

義安大君和

益安大君芳毅

上黨君李仔

平壤府院君趙浚

上洛府院君金士衡

晉山府院君河崙

漢山府院君趙英茂



完原府院君李良佐

奉寧府院君福根

青海君李芝蘭

花山君張思吉

漢川府院君趙溫

延城君金輅

清城府院君鄭擢

完山府院君李天佑

中樞院副使張哲

鷲山府院君辛克禮



佐命功臣

上黨君李 仔

晉山府院君河 崙

漢山府院君趙英茂

鷺山府院君辛克禮

鷄城君李 來

義安大君 和

完山府院君李天祐

昌寧府院君成石璘

完川君李 淑



青海君李芝蘭

漆城君尹抵

義城君金永烈

坡平君尹坤

錦川君朴嘗

平陽君朴錫命

長興府院君馬天牧

漢川府院君趙溫

吉昌君權近

鐵城府院君李原



星山府院君李 稷

文城府院君柳 亮

漢平府院君趙 涓

平陽府院君金承憲

麻城君徐 益

南陽君洪 恕

漆原君尹子當

鷄林君李升商

蓮城君金定卿

利城君徐 愈



長川君李從茂

永陽君李膺

豐山君沈龜齡

谷山君延嗣宗

沔城府院君韓珪

熙川君金宇

越川君文彬

礪山府院君宋居信

贈同知中樞院事金德生

神

懿王后齊陵神道碑銘曰庚辰正月逆臣朴苞等謀



戕同氣誘掖懷安父子稱兵向闕逆勢甚熾我

殿下率勵將士旋即平定誅止蒼身餘悉不問安置  
懷安不廢懿親 上王以未有繼嗣且其開 國定

社咸我 殿下之績冊爲 世子以定國本秋七

月己巳奉冊寶加上 太上王啓運神武之號冬十

有一月癸酉 上王亦以疾遜位于我 殿下遣使

請命明年辛巳 建文帝遣通政寺丞章謹文淵閣

待詔端木禮奉誥命印章來封我 殿下爲王冬遣

鴻臚寺行人文藩奎來賜冕服秩比親王今 皇帝

即位誕告萬邦 殿下即命左政丞臣河崙入賀登



極帝嘉忠誠事大賜以誥印遣都指揮高得左通  
政趙居住以今年夏四月來仍封爲詔王秋九月又  
遣翰林待詔王延齡行人崔榮來賜袞冕九章錦段  
紗羅書籍王妃冠袍金段紗羅 太上王金段紗羅  
希世寵典先後還至

太宗

太宗大王獻陵神道碑銘曰 建文庚辰正月逆臣朴

苞謀戕同氣陰誘芳幹父子構兵爲亂 太宗勒軍

平之誅苞餘悉釋安置芳幹不廢懿親 恭靖以無

嗣且謂開 國定 社皆我 太宗之績冊爲 世

子冬十有一月亦以疾傳位于我 太宗遣使請命



明年辛巳六月 建文帝遣通政寺丞章謹等奉誥  
命印章來封我 太宗為王冬遣鴻臚寺行人藩文  
奎來錫冕服秩視 親王歲壬午今 皇帝即位遣  
左政丞臣河崙賀登極 帝嘉忠誠明年癸未四月  
賜以誥印遣都指揮使高得榮來仍封為王秋遣  
翰林待詔王延齡來錫衮冕九章錦段紗羅書籍  
太祖錦段紗羅 元敬王太后冠袍錦段紗羅各有  
差自時厥後 帝賚荐至無虛歲矣  
太宗大王獻陵神道碑陰記曰恭惟我 太宗大王聖  
德神功卓冠前古春秋未高傳昇 聖子方遂優閒



備享榮養而弓劍忽遺我 殿下哀毀盡禮越五月

合葬于 元敬王太后之獻陵遵治 命也 陵在

廣州治之西大母峰下乾亥之山乾坐巽向北距京  
城三十里許謹按山來自長白而南踰數千里至尚  
州之俗離山折而西北又數百里至果川之清溪山  
又折而東北負漢江而止是爲大母山坤靈停峙淑  
氣蜿蜒意天作地藏以待 園陵之吉兆歟 殿下  
命即 陵之巽方六十三步樹之豐碑以記德義垂  
輝來今又 命序次開 國定 社佐 命功臣姓  
名刻之碑陰臣竊惟自古王者之作必有名世之臣



應時而出弼成大業於是有記功宗銘彛曷之典所以示不朽傳悠久也我朝壬申之開創與夫戊寅庚辰之戡定實天所以啓太宗以基朝鮮億萬年無疆之祚也然亦將相忘身委質贊襄輔佐之力與有多焉是宜鐫銘貞石以示永世後之觀者尚克知我殿下顯揚光烈褒獎元勲之至意云

開國功臣

益安大君 芳毅

門下侍中裴克廉

平壤府院君趙浚



上洛府院君金士衡

興安君李濟

義安大君和

鷄林君鄭啓

青海君李芝蘭

宜城君南閭

花山君張思吉

西原君鄭揔

漢山君趙仁沃

宜寧君南在



清城君鄭擢

益和君金仁資

坡平君尹虎

商山君李敏道

戶曹典書趙英圭

復興君趙胖

漢川府院君趙溫

南陽君洪吉旼

玉川府院君劉敞

平城府院君趙狷



平海君黃希碩

興寧府院君安景泰

鷄林君金 綢

中樞院副使柳爰廷

星山府院君李 稷

寧城府院君吳思忠

安平府院君李 舒

漢山府院君趙英茂

完城府院君李伯由

興原君李 敷



延城君金輅

高城君高呂

東原君咸傳霖

西原君韓尚敬

上護軍韓忠

驪川府院君閔汝翼

定寧社功臣

義安大君和

益安大君芳毅

上黨君李仔



平壤府院君趙浚

上洛府院君金士衡

晉山府院君河崙

漢山府院君趙英茂

完原府院君李良佑

奉寧府院君福根

青海君李芝蘭

花山君張思吉

漢川府院君趙溫

延城君金輅



清城府院君鄭擢

完山府院君李天佑

中樞院副使張哲

鷺山府院君辛克禮

佐命功臣

上黨君李仔

晉山府院君河崙

漢山府院君趙英茂

鷺山府院君辛克禮

鷄城君李來



義安大君 和

完山府院君李天祐

昌寧府院君成石璘

完川君李淑

青海君李芝蘭

漆城君尹抵

義城君金永烈

坡平君尹坤

錦川君朴訔

平陽君朴錫命



長興府院君馬天牧

漢川府院君趙溫

吉昌君權近

鐵城府院君李原

星山府院君李稷

文城府院君柳亮

漢平府院君趙涓

平陽府院君金承靈

麻城君徐益

南陽君洪恕



漆原君尹子當

鷄林君李升商

蓮城君金定卿

利城君徐愈

長川君李從茂

永陽君李膺

豐山君沈龜齡

谷山君延嗣宗

沔城府院君韓珪

熙川君金宇



越川君文彬

礪山府院君宋居信

贈同知中樞院事金德生

圃隱鄭先生次榮川板上韻第三首曰焉用牛刀宰

武城絃歌政化惚聞名忽憶當日三君子過此踟躕

不堪行

先生與鄭公習仁崔公元傳皆有義政故云

鄭郊隱

名以吾謚文定

歸厚署記曰永樂四年秋七月京畿

觀察使禹公希烈告於左議政浩亭河公曰古者人

漸老則送終之備必豫圖之以不可易成也今也人

不能豫成况當急遽之時乎請建官敦匠輕其價以



責於衆何如左議政公義之遂議都堂轉聞于上

上深嘉之命有司出米三十石五紵布百匹使設

棺槨所于龍山之澣大小臣僚各出來布而從者頗

多歸厚取慎終始遠民德歸厚之義署在龍山江掌造棺槨在南都好賢坊掌英禮之事

安魯生陝川澄心樓記曰永樂甲申春正月余以諫

職謫守晉陽越丙戌後七月召以禮曹叅議將赴

朝廷路過江陽登澄心樓起樓者誰吾友鈴平君尹

公是也名樓者誰今之冢宰浩亭河先生是也樓之

成浩亭之行適至天也非人也非鈴平無以起此樓

非浩亭無以名此樓又曰浩亭大先生一登覽而命



之曰澄心其命名之義實不類於他矣

佔俾齋金先生榮川小樓記曰邑于竹嶺之陽榮為  
第二其山川明秀其邑居爽愷其民俗儉易往往製  
錦于是者類多君子人而其表表在人耳目惟河浩  
亭暨鄭公習仁崔公元傳三人

鄭郊隱牙山慮民樓記曰永樂乙未之夏知承文院  
事俞民顯奉牙山地圖而謁浩亭公曰牙山顯外鄉  
也今縣監崔佚安正就客舍之偏起樓請名之且為  
之記以俟斯樓公曰取為民之意而名之曰慮民  
河敬齋晉州四教堂記曰殷烈公姜民瞻學於校中



功業烜赫厥後人才充盛近古文敬公姜君寶吾先  
祖元正公諱楫御史大夫諱允源及菁川君河乙沚  
叅贊鄭乙輔與夫國初以來文忠公河崙文定公鄭  
以吾襄靖公河敬復皆就鄉校而拔萃若文若武俱  
鳴於當時吾鄉地靈人傑之表世所稱說然未必不  
由教養之致

國學新廟碑曰用議政府左議政河崙獻議躋邠沂  
二公於配位陞子張於十哲廟宮之制益無憾焉

出下

春亭集

直提學魚變甲斤佛䟽曰惟我太宗大王承聖祖



經綸草昧之餘接前朝積習因循之末日新聖德扶  
植網常一葦資薦之法度不建山陵之齋剝加以經  
學大臣有若河崙爲之承弼常以排斥異端安養生  
民爲念革寺剝削田民先爲小正之端以示大正之

意焉

出澗松趙先生金羅誌

題成判書

石琬

呈浩亭先生詩卷曰天生碩輔濟蒼

生蓋世全材未易名卓爾未由知上達淵然溢外見

中宏彌綸贊化乾坤大黼黻增輝日月明允矣東山

誰不仰寸心曾是倍常情

出下春亭集

次韻奉送孔漁村往韓州書李牧隱墓碑詩曰牧翁



衣冠古河相出藍青道學真王佐詞章出聖經撰碑

垂後世綴字似秋星又得漁村筆何誇孔昂銘

右詩失其

名○出東國關里誌

五臺寺重修記曰僧有信性者踵門而告曰晉州五

臺寺今左政丞少之時讀書處也將圯矣誓欲脩而

新之募椽檀越鄭大提學諸公皆已同我願矣敢請

余惟浩亭先生以碩德宏材佐我聖上以登至治

賢鳥獸魚鱉咸若則凡在東方者固無一物不被先

生之澤矣雖浮屠亦知欽慕焉以是寺先生遊歷地

也問其消毀慨然有重新之志焉豈非可尚也耶宜



乎助之者多也昔周召公宣化南方而人愛甘棠戒以勿剪非愛其樹召所憇也夫愛其德則雖暫焉所憇之地一草一木之微所以調護者乃爾况茲寺也先生食於斯寢於斯習業於斯所嘗休息之地乎是尤宜將國人而助其備矣况若鄭公也哉季良門生也敢不欣然樂而同其願焉且晉之子昂來寓讀書學先生之學志先生之志爲國家重輕者接踵而起矣雖謂茲寺與晉之鄉學相甲乙可也此又不可不

識也

出下春亭集



浩真先生文集卷之五

上謂文而人遊其間



浩亭先生文集卷之六

附錄

銘

墓碣銘并序

清香堂尹 淮

河氏之先出於晉州爲一鄉望族自左司郎中諱拱辰仕高麗樹功顯王朝和戎却敵爲一代名臣其後有諱卓回仕高王朝爲四門博士由博士而下四世登科世有聞人毓慶積善至於公而門益大公諱崙字大臨曾祖諱湜博士五世係徵仕郎膳官署丞贈純忠補祚功臣輔國崇祿大夫判司評府事晉康君



祖諱恃源式目錄事贈純忠積德秉義補祚功臣大  
匡輔國崇祿大夫議政府右政丞判兵曹事晉康府  
院君考諱名潏奉翊大夫順興府使贈忠勤翊戴慎  
德守義協贊功臣大匡輔國崇祿大夫領議政府事  
晉陽府院君妣姜氏贈辰韓國大夫人檢校禮賓卿  
贈崇祿大夫議政府贊成事判戶曹事諱承裕之女  
皆以公貴得贈至正丁亥春姜氏得吉夢有娠以其  
年十二月巳丑生公公自幼嶷然不類群兒十歲就  
學既授輒成誦年十四中庚子國子監試杏村李文  
貞公其試官也十九中乙巳科樵隱李文忠公牧隱



李文靖公其座主也一見器之即以其弟禮儀判書  
仁義之女妻之于時二公宗主斯文學士大夫咸出  
其門公周旋師友之間講論切磋學文日進丁未選  
入春秋館為檢討為供奉洪武元年戊申試監察糾  
正己酉監檢收司量田効辛肫門客之為副使者忤  
肫罷辛亥肫誅起知榮州按廉使金湊上其治行第  
一壬子召拜考功佐郎癸丑以版圖佐郎察訪交州  
江陵道甲寅除諸陵署令乙卯歷司憲持平典理正  
郎丙辰進典校副令知製教改典儀副令丁巳遷典  
法掇郎寶文閣直提學依前知製教自此除職皆帶



館職又以版圖摠卽按廉交州道戊午轉典理摠卽  
已未陞典校令成均大司成庚申九月丁外憂辛酉  
起復判典校寺事乞終喪許之壬戌服闋授右副代  
言癸亥移右代言尋判書典理甲子入密直爲提學  
乙丑進簽書秋 太祖高皇帝遣國子典簿周倬

等來公迎接于西北面其還也公奉謝表偕行倬等  
甚禮重之丁卯改同知戊辰春武臣崔瑩欲興師犯  
遼陽公力陳不可瑩怒放之襄州夏瑩敗公得還已  
巳春復拜同知秋有稱水興君王環者來自日本公  
以姻戚素知環貌言其非真見放于光州庚午春移



放于蔚州夏尹彛李初之獄作會諸流入于清州置  
對公得免歸晉州辛未夏起爲全羅道都觀察使壬  
申夏代還我太祖旣受命癸酉秋再起公觀察京  
畿左道公始以民戶墾田多小定賦役豪強雖惡之  
而人服其均諸道皆效之遂爲定制時太祖欲遷  
都鷄龍山旣興役公力諫從之甲戌三月復簽書中  
樞院事乙亥四月遷中樞使七月丁內憂丙子四月  
起復藝文春秋館學士辭不就高皇帝以表辭不  
謹徵我主文者鄭道傳入朝且遣牛牛等官督之公  
爲館伴太祖密訪迂臣以遣否皆顧望以爲不必



遣公獨言遣之便道傳大啣七月 太祖欲遣李至  
奏使臣謂惟河館伴可以將命請與之俱公至朝廷  
敷奏詳明事果得解丁丑正月鄭道傳議舉兵出疆  
忌公出爲鷄林府尹其春倭酋數人率衆至慶尚道  
請降四月公與觀察節制諸公議所以處置者主議  
者失策倭酋逸去六月逮公等于巡軍置對七月安  
置水原府十月得自便戊寅七月拜忠清道都觀察  
使九月 上王嗣位召拜政堂文學十月錄定社功  
策公爲第一賜爵晉山君入賀 建文皇帝登極已  
卯十二月叅贊門下府事庚辰四月陞贊成事五月



判義興三軍府事兼判尚瑞院事九月拜門下右政  
丞判兵曹事進爵爲伯十一月今上即祚辛巳正  
月錄佐命功公又在一等閏三月以病辭拜領三司  
事四月知貢舉取今知中事趙末生等三十三人七  
月改官制因領司平府事兼判戶曹事始請造境內  
通行楮貨以贍國用壬午六月獻觀天庭受明命  
樂章二篇賜教獎諭十月拜議政府左政丞判吏曹  
事入賀今上皇帝登極知議政府事李詹爲之介  
公至朝廷與李公上書禮部以爲新天子旣與天下  
更始矣請改賜吾王爵命帝嘉之永樂元年癸未



四月偕朝使都指揮使高得等奉誥命印章以來  
上益重之賜賚甚厚甲申六月以旱乞免乙酉正月  
復左政丞加世子師丙戌公以各宗寺社住持多點  
土田奴婢殖貨冒色蠹財惑衆建白於各道州郡量  
置一二寺餘皆革去其土田奴婢悉屬於公上從  
之識者稱快丁亥四月重試文士命公讀卷取今藝  
文館提學卞季良等十人七月又以旱請避位戊子  
二月領議政府事辛卯三月知貢舉取今平壤判官  
權克中等三十三人壬辰八月復左政丞公至是四  
東國句矣甲午四月國家倣周官分政府庶務歸諸



大曹以公領議政府事乙未十月又拜左議政丙申  
春公年七十矣以故事乞致仕上从未之許公數  
以告上特優公不朝至四月乃許以晉山府院君  
就第國有大事必以咨焉其年十月上欲遣使咸  
吉道巡視先王陵寢公請自行上愍其老而嘉  
其志親出郊餞之公既卒事將還疾作上聞之亟  
遣內醫治疾內厨調膳中官問慰絡繹於道十一月  
初六日癸巳卒于定平公廡訃至上悼甚哭之流  
涕輟朝三日素膳七日遣禮官賚教致祭且命有司  
護喪還都殯于京第上及世子親臨吊奠賜謚曰



文忠官庀葬事有加公之哀榮可謂無憾也已矣明  
年丁酉三月十一日丁酉嗣子都摠制公奉柩歸祔  
晉州梧坊洞坎山之崗先塋之東遵治命也公天資  
重厚識明而量弘雍容簡默平生無疾言遽色至其  
端委廟堂決疑定策其氣毅然略不以毀譽動其心  
爲相務存大體不事苛察嘉謨密議啓沃弘多而退  
未嘗泄於人處已接物一誠無偽仁於宗族信於朋  
友下至僮僕皆懷其惠薦進人才常若不及片善必  
取而掩其小過居家不治生產不喜奢麗不樂宴遊  
性好讀書手不釋卷悠然嘯詠至忘寢食經史子集



無不通究至於陰陽醫藥星經地理皆極其精禮樂  
制度皆所詳定勸勉後生商確義理亶々忘倦當國  
以來專典文翰事大辭命文士著述必經公潤色印  
可而後乃定嘗奉 旨修 太祖實錄一十五卷上  
之自號浩亭有文集二十卷預爲遺文藏之巾笥訓  
誨子孫纖悉周備且誠以喪葬一依朱子家禮無作  
佛事公旣沒而書出其家如其言夫人李氏今封辰  
韓國大夫人生一男曰从軍都摠制女二人長適  
漢城府尹洪涉次適慶尚左道都節制使李承幹孫  
男一人福生幼外孫五人皆其節制子也恭全前供



正庫副使慎全司宰直長誠全安全恒全庶男三人  
曰長曰延皆幼曰永義興侍衛司大護軍庶女三人  
長適谷山府使金秩次適中軍司直張希傑次幼銘  
曰

晉山蒼々晉水泱々猗歎地靈生我浩亭先生之  
質玉潤而栗灑落宵中霽月光風天眷東方俾輔  
我王言聽計從千載一逢爰立作相百僚是長  
公在廟社澤被鰥寡猷排異端唱鳴道學公於是  
時唐之昌黎定策兩朝親扶日轂公於是時宋之  
稚圭明炳幾先籌無遺策誰其似之帷幄子房忠



義精誠上貫白日誰其似之終始汾陽業廣德崇  
宜國黃耆七旬而終孰云其壽股肱之虧元首傷  
悲哲人之委行路涕洟烏乎先生今也則以名留  
鼎彛神返故鄉有爵先塋其永于藏鏤石銘驛用  
示攸長

晉陽府院君神道碑銘

并序

春亭卞季良

永樂十三年歲在乙未冬十二月議政府左議政浩  
亭先生囑季良曰惟我先考種德裕後而余小子并  
與勲盟濫登峻秩且承恩典封贈三世此其碑于  
墓道以示來世者宜有辭而闕焉子其筆之季良不



敢辭謹按公姓河氏諱允潏字所開晉陽望族也先  
世仕高麗左司郎中諱拱辰有功顯王朝贈門下侍  
郎同中書平章事四門博士諱卓回仕高王以親老  
免官還鄉生挺才挺才生南秀南秀生邵邵生諱富  
深於公爲曾祖自博士以下四世相繼登第曾祖公  
與其兄浩及扶又皆登第以國制廩其母時人欽之  
祖諱湜贈純忠補祚功臣輔國崇祿大夫判司評府  
事晉康君考諱恃源贈純忠積德秉義補祚功臣大  
匡輔國崇祿大夫議政府右議政判兵曹事晉康府  
院君娶承奉郎豐儲倉副使鄭公諱均之女以元至治



辛酉四月丁巳生公資質異凡兒年七歲丁內憂哭  
泣盡哀若成人然庚午始就學癸酉鄉之長者贈崇  
祿大夫議政府贊成事判戶曹事姜公諱承裕見而  
竒之以其女妻之資成性嚴公父事之至正丙戌始  
仕忠穆王朝爲式目都監錄事丁亥春姜氏得吉夢  
有娠冬十二月生男即議政公也壬辰受膳官丞乙  
未陞爲令丙申遷門下錄事高麗之季門下府大小  
供億一委錄事爲錄事者率多乞免公盡心營辦府  
官稱之戊戌拜宣德郎北部令庚子遭外艱終制癸  
卯知肅州郡事階朝奉郎實恭愍王十三年也僞王



塔帖木兒寧蒙漢兵將入寇諸道軍會西北偽王敗走其將帥往來皆道于肅公待之無闕其年饑軍士還者多兼色公減捧錄又勸郡人之有畜者相助賑濟多所全活爲政以仁恕爲本抽歛絕而刑罰省吏民德之及其見代至有涕泣以送者乙巳春還鄉秋議政公登第明年選爲史官公曰有子立朝矣吾不必復仕乃與鄉之父老結爲金剛社優遊卒歲時倭寇方熾公語族人曰吾鄉濱海島寇歲至西南人先受其害勢必及邑里宜就北村以避其鋒至丁巳秋挈家結廬于梧谷明年秋寇果入邑人多被刼掠公



自梧谷入江城縣山城舉家獨全入眼公先見議政  
公時爲大司成上書宰相曰老親所在島夷數至吾  
未嘗頃刻而自安今順興府使儒者也乞以自代除  
父順興宰相義其言庚申秋授公府使階奉詔先是  
公嘗受負外官至奉翊大夫禮儀判書故因其資云  
旣至有惠政民方慕悅而疾作九月二十四日謂夫  
人姜氏曰吾年六十子亦成立有何遺恨况人生脩  
短莫非天命皆歸於盡只有先後耳勿傷心語竟乃  
絕議政公聞病備藥疾馳二日而至不及屬續擗踊  
摧折奉柩歸于晉陽晝夜不離側以其年十二月甲



寅葬于梧坊洞坎山之岡北距先妣墓九步又其北  
距先考墓十步棺用全木槨用七寸凡喪葬之具一  
依文公家禮至 國朝戊寅以議政公定社功 贈  
忠勤翊戴慎德守義協贊功臣特進輔國崇祿大夫  
門下右政丞判兵曹事晉陽伯壬午以佐命功加領  
議政府事晉陽府院君公稟資厚重操履廉簡平生  
不妄語亦無戲言未嘗以營產留意孝友出於天性  
睦於族親和於鄉黨愉々如也姜氏善治家動循禮  
則奉親以孝事夫以順教子孫嚴而恕待族人惠而  
周乙亥夏寢疾議政公時爲中樞院使謁告馳駟三



日而至嘗藥而進姜氏曰汝父逝已久吾至今未  
足見汝榮養不願飲藥求生也公潸泣以勸七月初  
四日謂議政公曰人之死生不在老少汝及汝婦俱  
無恙吾今先逝豈不自幸不須強進諸藥明日卒年  
七十六以九月丙午附于公墓之南十一步戊寅贈  
辰韓國大夫人男諱崙奮忠仗義同德定社佐命功  
臣大匡輔國崇祿大夫議政府左議政修文殿大提  
學領經筵春秋館書雲觀事 世子師晉山府院君  
娶奉翊大夫禮儀判書星山李公諱仁美之女丙戌  
封辰韓國大夫人女適正順大夫延安府使柳克恕



議政男以中軍都摠制府都摠制娶知密直司事李  
公種德之女長女適吏曹右叅議洪涉次女適左軍  
都摠制府摠制李承幹庶男三長延皆幼永義興侍  
衛司大護軍府使男訂戶曹正卽余惟議政公道德  
文章之義名位勲業之隆無有比擬固嘗意其必有  
發者以矣嗚呼晉陽公之積善成德宜享其報矣而  
不克有於其躬者豈非天將大其報而遲之也歟古  
人有言爲善無不報余於晉陽公而徵之矣其流澤  
之以餘慶之永又可旣耶烏乎休哉銘曰

有流斯長維蓄其源有枝斯茂維固其根懿哉河



氏實維德門卓彼左司克有殊勲乃厚厥積以啓  
後昆振□晉陽惟德是勤厚倫息訟人服其義移  
家避寇人服其智惠于二州民慕怙恃義智且惠  
顯隆是宜歛而家居竟莫以施天錫爾類乃生英  
賢相我聖主位極朝聯從容廊廟庶績惟隆勲  
德之魁斯文之宗王曰政丞實予同德定社佐  
命懋乃丕績追爵三世并峻其秩旣勲而階領府  
惟崇錫之妣鬱辰國是封不顯潛德雖死猶生晉  
山哉々晉水泠々瞻彼坎麓維古之叢維考維妣  
俱葬其中綿々惟慶曷有其終刻銘豐碑以告無



期昭茲來裔孰不公思

碑陰記

知製教朴熙中

左議政公庶女三長適谷山府使金秩次適中軍司  
直張希傑次幼都摠制再娶司憲監察金音女生男  
福生幼摠制男五長恭全供正庫副使次慎全司宰  
直長次誠全純全恒全皆幼女一幼大護軍娶門下  
侍中李公誼成林庶女生男繼生幼女一幼谷山生  
女二長適義盈庫副直長都以恭一幼司直生男美  
幼女二皆幼正郎娶中郎將金台俊女生男惠生弱  
女二長適學生姜汝爲一幼再娶龍潭縣令鄭汝海



女生男三長孝山弱餘幼女一幼贈右政丞公次男  
宗簿令諱允丘女二長適即將張蘊次適密直副使  
李守宗簿男檢校漢城尹游即將男檢校漢城少尹  
翼女適司僕副正金南甲密直女適星州牧使河有  
宗漢城男四長漢城少尹之混次知蔚山郡守之沱  
工曹正郎之溟豐儲倉主簿之津檢校少尹男三長  
學生慶次副司直弼次弱女適司正孫礪副正男懷  
仁監務孝友蔚山男三長澄弱餘幼女三長適長興  
庫主簿成揆餘幼正郎男三長冲弱餘幼女二幼主  
簿男一女二皆幼學生男二皆弱女一幼副正男



皆幼女四長適學生趙全次適豐儲倉主簿鄭燠餘  
幼懷仁男一幼女二長適學生鄭河一幼司正男二  
女一皆幼贈判司平公次男典客令致仕諱巨源男  
六長菁川君諱乙沚次即將乙淑判軍器監事乙掇  
中即將乙洵海嶺千戶乙玘典廐署丞乙訂女二長  
適知善州事朴膺次適奉常令姜璐庶男散負乙生  
庶女適學生姜時中即將男別將瀛女三長適知陝  
州事崔有江次適司宰令鄭新德次適軍威縣監鄭  
賀孫判軍器監男四長介谷處士就濡次工曹典書  
就東上護軍承海副司直承浩中郎男司正湓女適



學生李芝千戶男四長議政府錄事斯浩餘幼女三  
長適學生姜元立餘幼廐承男一女四皆幼善州男  
二長輔石次弼石皆弱女二長適成均主簿河滌次  
弱奉常男司正宴別將男四長學生蓄餘幼女適學  
生黃瑜陝州男二長護軍壽生次縣監仲誠女適生  
員黃瑾司宰男三長司直仲山餘弱女二長適監務  
牟侃次適議政府錄事周鳳儀縣監男二長調次獎  
皆弱女二皆幼介谷男三長學生涵次弱女一幼與  
書男副司正堤女三長適學生裴有文餘幼上護軍  
男二長左軍同知摠制敬復次縣監敬履司正男五



長學生契餘幼左議政公謂熙中曰同源分派遂成  
路人古人所悲可不深以爲感哉子旣書先考子孫  
無遺矣同祖同曾祖兄弟子孫勿憚并書以示來裔  
使之不相忘也於是續而書之是年九月甲申朴熙  
中謹識

祭文

正  
宗大王親製賜祭文

維歲次己未十一月乙卯朔十七日辛未

國王遣近侍臣右副承旨趙弘鎮諭祭于故領議政  
晉山府院君文忠公河崙之墓



我家龍興豪俊雲從先後疏附正氣熊二晉陽之望  
赫世簪組山河鍾英天降良輔日月之際草昧經綸  
開宜同德周命維新潭々杯醑扶我義馭猶魚有水  
伯仲伊呂三朝鐵券二紀黃閣大猷時升之經陳目  
乾坤既整山嶽丕運式循初服仙蹕宣醞江漢浩沔  
寶墨流香公田曠稅有稼穡々南士曰咨鄉射臺古  
我老戾止於焉棲屨方召之思展寢則倍酌茲精

夾倅倅于海

墓在晉州北  
梧埭洞

祭文

春亭卞季良

皇矣上帝眷佑東郵命我聖后作之君師乃生賢



佐輔之翼之公惟藥石濟民瘡痍公惟水鑑辨人妍  
強危疑未決公乃著龜輕重未定公乃權衡或毀或  
譽公心則平事上待下一以至誠威如秋凜溫若春  
生高不可攀深不可測細入毫釐幾微必燭泰山其  
重鎮定振擊滄海其大茹納污濁公自庚辰秉國之  
勾垂紳廊廟百度維新二十年間物富民殷公孝于  
家鄉黨見稱公忠于國王賴股肱舉世佞佛公獨  
麾之舉世媚神公獨非之所見之正所守之確先生  
講明從容詳密先生著述豪逸典則古調是賡微言  
是析若虛若無克自謙抑嗚呼我輩瞻仰門墻舉蒙



汲引身立名揚恩同山岳報之毫芒追惟往歲十月  
初吉奉餞于郊笑言偕洽謂當未幾迺勞于道訃音  
忽至曷勝痛悼位躋極品壽登七耄德尊一代勲盟  
再建王爲輟朝素膳以泣親臨于家奠于殯側  
公之終始蓋無憾焉所可痛者國無忠賢生民誰賴  
斯道誰寄嗟嗟我輩何所仰庇竊此一觴俯伏陳辭  
臨之在上諒我懷悲

又

清香堂尹淮

惟公才爲王佐學冠儒宗應時而挺生高世而特立  
際風雲之慶會聳朝野之具瞻蕭規曹隨未足道也



房謀杜斷獨能兼之風采儀表於縉紳勲庸記載于  
鍾鼎身之存後國以重輕噫彼蒼之難謀俾我公而  
不淑萬丈文章之光焰倏爾棄箕一生經濟之施爲  
歛而就木民之無祿命也奈何淮時以盡虎之資習  
雕虫之技謬被千金之顧幸窺數仞之墻恩義俱全  
比邱山而增重消埃莫報曾豺獺之不如今則靈柩  
即遜佳城已卜慟幽明之永隔東紼晏而長吁講席  
埋塵無復樞衣而受業江干奠爵不知墮涕而盈襟

祠宇奉安文

參議梁周益

明出地上卦象昭德山川符應地靈鍾毓 聖祖龍



興雲從勵翼一等佐 命兩朝定策身沐雲醪手捧  
日輟崑居巖廊泰山喬嶽抱笏端委不動聲色閑散  
赤心伊呂黃閣恩霈公田春深寶墨七奎懸車歛跡  
南服五陵汎掃臯復北陸 龍駕臨唁哀榮曠昔名  
德大老雲仍寂寞夢々者天厥後胡嗇若教之鬼餒  
而誰惻曰我 英廟矜之嗣續特簡諸宗收議台席  
迺詔春官迺降斜牘大臣定嗣後事有託黃河自崑  
源流疏滌 致祭玄隧雲漢之倬不祧其典永寅其  
禴翼翼廟貌咸京之北載題乃敬載馨乃稷等嚮焄  
蒿於千於百無後而有莫非爾極晉山虎踞渭水龍



躍我后之德山青水白

啓

駕前上言

啓下禮曹  
甲午四月日

晉州河應清咸陽河 鎮

右謹

啓

臣矣段臣矣身

等伏以記功報祀 朝家

之令典存亡繼絕聖人之懿訓苟有大勲勞於邦家  
爲百世不祧之祀者其或後嗣零替孤魂無依則不  
但爲私門之深痛在 朝家報功臣之道亦爲一大  
欠典 是白乎等以臣矣身等 不避猥越冒死仰籲於

法駕之前

爲白齊臣矣身

十一代旁祖故領議政

謚文忠公

臣

河崙勲業文章載在

國乘入於佐



命一等元勳配享於

廟庭

是白乎則

在私家亦當

爲永世不遷之祀

是乎矣

不幸中間後孫殘滅宗祀

遂絕以百世不祀之人不免作千秋無主之魂寧不

痛哉

臣矣身

等雖以旁孫自劫霜露悽愴之感而且

伏念

臣矣身

先代有文孝公

臣

演襄靖公

臣

敬復及

六臣中緯地數三泐中文忠公家爲其宗派則尤不

可使絕嗣乙仍于諸宗相議將立祠宇而不可無主

祀之人故採同僉議果以繼龍子漢通定爲文忠公

主祀孫

爲白

遣門長及宗孫草成文記即呈于本官

及監司成出立旨

是白乎等以

方欲呈出禮斜於禮



曹

為白平矣

事異常格似不當循例為之而凡有節

義功勞於

宗社永世不祧者則擇於旁孫定給主

祀自有朝家令甲

是白如乎

伏乞

聖慈特軫記

功繼絕之念亟

命該曹出給立案以為文忠公

臣

河崙永世主祀事特蒙

天恩

為白良

結望

良白去

手詮次善

啓事

禮曹回

啓

甲午四月日

判書閔百興

今番所下上言幾皆回啓而其中二張不可循  
例為之者敢此仰達矣晉州居幼學河應清上言以  
為其十一代旁祖故領議政河崙以元勲至於配享



廟庭而宗派中絕香火靡托諸孫相議以河繼龍  
之子漢通定爲主祀孫而事異常格臣曹不得徇例  
回啓下詢大臣處之如何

大臣獻議

同年月日

領相金尚喆右相元仁孫

領議政金尚喆曰昭穆之不繼何以知之乎右議政  
元仁孫曰故相臣李陽元家昭穆不繼而其時因  
特教立後矣

立案

奉教成給

判書閔百興

右立案爲繼後事節

啓下教慶尚道晉州居幼學

臣河應清咸陽居幼學

臣河錫等駕前上言內右



謹

啓

臣矣段臣矣身

等伏以記功報祀

朝家之

今典存亡繼絕聖人之懿訓苟有大勲勞於邦家爲  
百世不祧之祀者其或後嗣零替孤魂無依則不但  
爲私門之深痛在朝家報功臣之道亦爲一大欠

典

是白乎等以臣矣身等

不避猥越冒死仰籲於

法駕之前

爲白齊臣矣身

十一代旁祖故領議政謚

文忠公

臣

河崙勲業文章載在

國乘入於佐命一

等元勲配享於

廟庭

是白乎則

在私家亦當爲永

世不遷之祀

是乎矣

不幸中間後孫殘滅宗祀遂絕

以百世不祧之人不免作千秋無主之魂寧不痛哉



臣矣身等雖以旁孫自功霜露悽愴之感而且伏念

臣矣身先代有文孝公臣演襄靖公臣敬復及六臣

中緯地數三泐中文忠公家爲其宗派則尤不可使

絕嗣乙仍于諸宗相議將立祠宇而不可無主祀之

人故採同僉議果以繼龍子漢通定爲文忠公主祀

孫爲白遺門長及宗孫草成文記即呈于本官及監

司成出立旨是白乎等以方欲呈出禮斜於禮曹爲

白乎矣事異常格似不當循例爲之而凡有節義功

勞於宗社永世不祧者則擇於旁孫定給主祀自

有朝家令甲是白如乎伏乞聖慈特軫記功繼



絕之念亟 命該曹出給立案以爲文忠公

臣河崙

永世主祀事特蒙

天恩

爲白良

結望

良白去乎

詮

次善 啓事據今四月二十九日大臣備司堂上引

見入 侍時禮曹判書閔 所 啓今番所 下上

言幾皆回 啓而其中二張不可循例爲之者敢此

仰達矣晉州居幼學河應清上言以爲其十一代旁

祖故領議政河崙以元勲至於配享 廟庭而宗派

中絕香火靡托諸孫相議以河繼龍之子漢通定爲

主祀孫而事異常格臣曹不得循例回 啓下詢大

臣處之如何



上曰大臣之意何如領議政金尚喆曰昭穆之不繼  
何以知之乎右議政元仁孫曰故相臣李陽元家昭  
穆不繼而其時因特教立后矣  
上曰故例已多特許立后可也事  
啓下爲有等以  
向前河漢通乙立爲故領議政河崙奉祀孫爲建合  
行立案者

### 草記

忠勲府草記

己未八月日

太宗朝佐命功臣三十八人嫡長孫時存人及未錄  
名區別別錄

太



傳曰知悉佐 命功臣嫡長十八家已錄名中九家  
嫡長之未付忠義者即付草記其中義安大君贈謚  
襄昭公嫡長孫李宗恢令吏判探問可合百里除百  
里只可陞叙則爲陞叙晉山府院君願議政文忠公  
河崙嫡長孫當窠叅奉待窠調用而義安大君墓一  
等功臣河文忠公墓遣承旨卜日致祭祭文當親撰  
而此外一葉上黨漢山鷲山墓遣禮官致祭可也

吏曹

勲府草記

吏曹 佐郎尹在陽  
勲府 堂上朴崙壽

晉山府院君河崙嫡長孫漢通已爲身死其子慶錫  
在喪終制以嫡長當次 曰傳生光何如



傳曰允

啓目

忠勲府

啓目

定

社功臣花山君張哲

定

社功臣晉山府院君河崙

佐

命功臣文城君柳亮

佐

命功臣長川府院君李從茂

佐

命功臣豐山君沈龜齡

敬

愼功臣草溪君鄭俊

敵

愼功臣礪山君宋益孫



靖國功臣長源君黃孟獻

靖國功臣原陽君邊士謙

忠勲府事目

忠勲府爲謄給事節 啓下教是本府 啓目內

國朝開國以下至襄武二十二功臣正勲子孫等

每當式年收捧單子修正世系有如宗簿寺之璿

源錄修正敦寧府之族譜修正無論代數遠近雖千

百代不可廢闕者乃是若帶若礪者共享綿遠與

國朝同始終之意作爲序文祭告 天地安 寶藏

之麟閣此乃 祖宗朝金石之典是白去乙近來外



邑倅令不念 國家優恤之盛意多般執頃驅入賤  
役殊非 法典所載此後則各別申飭爲白乎矣外  
邑或有復踵前習廢單絕戶是白去等當該倅令罷  
職鄉所色吏里任輩刑推懲勵爲白齊一功臣子孫  
所侵之役即速官代定頃下事前後事目申飭極其  
嚴重 法典所載不啻申明是白去乙外邑倅令不  
體 軫念之盛意混侵身役使不得保存是去等以  
本府救舉事目行關勿侵而丁卯春 大駕親臨本  
府教是時大臣所 啓內正勲子孫勿侵軍役怠慢  
不從令者拿問正罪事陳達蒙 允後頒布京外爲



有如乎 親臨中甲飭與他目自別是去乙各邑倅  
今知若尋常仍置乙仍于前後呼訴紛紜究聾在路  
此後若有前習橫侵之弊是去茅道臣帥臣依事目  
從重推考該邑倅令依 判下辭意勘問正罪鄉所  
里各別刑推為白齊事 乾隆三十四年正月十一  
日都承旨洪名漢次知 啓依 允事 啓下爲是  
如乎正勲子孫世世收錄實及永世之意班班見存  
於丹書鐵券是乎等以或有見侵賤後是良置本府  
事目謄給是去乎以此憑考頌免是於地方官設置  
啓下辭意奉審施行宜當者



浩亭先生文集卷之七

師友門人錄

牧隱李先生諱穡字頴叔韓山人也天曆戊辰生至正辛巳進士癸巳登第公天資明敏博覽羣書爲詩文操筆即書略無礙滯勉進後學以興起斯文爲已任學者皆仰慕掌國文翰數十年屢見稱中國與圉隱同心終始不變臣節嘗以尋初之獄事逮繫公等數十人于清州獄先生亦在繫中方鞠諸囚忽雷雨大作前川瀑漲毀城南門直衝北門城中水深丈餘漂沒官舍民居殆盡獄官蒼黃攀



樹木以免事聞命放位至上相洪武丙子疾革有  
僧至欲語以其道公揮之曰死生之理吾無疑矣  
言訖而卒年六十九謚文靖公

圃隱鄭先生諱夢周初諱夢蘭又諱夢龍字達可延  
日入也至元丁丑生至正庚子連魁三場擢第一  
入天分至高豪邁絕倫有忠孝大節少好學不倦  
精研性理之學深有所得時經書至東方者惟朱  
子集註公在學官講說發越迢出入意聞者頗疑  
及得胡炳文四書通解無不脗合諸儒歎服牧隱  
先生亟稱之曰夢周論理橫說豎說無非當理推



爲東方理學之祖所著詩文豪放峻潔官至相國洪  
武壬申卒年五十六謚文忠公○先生撰圃隱詩集  
序曰圃隱先生鄭公以天人之學經濟之才大鳴前  
朝之季他日中國有采詩侯國之舉則詩篇當與牧  
隱陶隱二先生之集并傳於中國而使中國之士知  
海東有邦文學之盛矣顧不偉哉又曰子之於吾先  
子相懷不淺矣祭權陽村文曰念在己酉我始識  
君師事牧圃其期有聞今以序文與祭文而竊思之  
似未必專奉以師道而益亦師友之也以浩亭先生  
而師友之則先生之所尊亦可想已敢不敬歎



樵隱李先生諱仁復字克禮星山人也天德戊申生天  
曆丙寅登第爲人正大謹孝以禮自守力學善屬文  
國家驛命多出其手好善疾惡皆形于色然不發之  
口且貌嚴辭氣簡重每於書筵進講王謂左右曰吾  
見李公不覺竦然每召見牧隱及公必令左右洒掃  
焚香幸僧神照曰君見臣何必致敬如此王曰二公  
道德非庸儒烏敢慢哉公常患疽垂歿弟仁任勸念  
佛公曰吾平生不佞今豈可自欺位至大提學洪武  
甲寅卒年六十七謚文忠公躋享廟庭○尹清香堂  
撰先生墓碣銘曰十九中至正乙巳科樵隱李文忠



公號隱李文靖公其座主也一見先生器之即以其  
第禮儀判書仁義之女妻之于時二公宗主斯文學  
士大夫咸出其門先生周旋師友之間講論砢礮學  
文日進

已上三先生皆先生之所尊師故皆不敢名而以  
號其朋友以下則難於盡號皆直書姓名

依寒暄  
堂景賢

錄例補八  
此一款

李集字浩然廣州人號適村力學多識服膺一心至正  
戊申忤辛朧門客將欲陷不測竊負其父南逃潁川  
隱山中朧誅還朝知幾保身與郭泰申屠蟠同關侯



之○先生撰公之詩集序曰昔予始見遁村先生于  
園隱先生之小軒新脫逆眈之禍來自南方其貌莊  
而毅其氣克而秀其語琅然而確以暢予心竒之再  
見于牧隱先生之草廡先生敬相待移日予聞其餘  
論繼而陶隱邀牧隱園隱兩先生及遁村設小酌置  
金梅于前作梅花聯句予亦往參席末聞其警句後  
予移家硯井洞去遁村龍首山下之草亭不數里贈  
予菊花詩一篇予謹和之因幸遂相從之願未幾遁  
村病而卒

河得字字

晉州人川南處士公之曾孫先生之宗



兄長先生九歲至元戊寅生與先生赴校講習唱和者五年子益進洪武丙辰登第入仕成均驟遷禮官出爲郡寄人稱有惠政官罷居閑以山水自娛者數十年廷議重老成舉以爲諫官公年餘七十神氣不少衰及其來朝厯看皓首進退雍容主上禮貌廷臣聳觀其爲聖朝之貢飾不爲少矣先生謂公曰古之人謂宰相爲股肱諫官爲耳目雖有大小殊然其爲元首之一體則不可以輕重言也官至獻納

金九容初名齊閔字敬之安東人號惕若齋方慶之曾孫齊安之伯氏也爲文章訓後生時爲李仁任所竄



居呂州放跡江湖官至判典校洪武甲子以行禮事  
至遼東撫兵官潘敬執送京師命流大理衛至蘆州  
病卒○赴謫時有詩曰帆急山如走舟行岸自移異  
鄉頗問俗佳處強題詩吳楚千年地江湖五月時莫  
嫌無一物風月也相隨○先生撰公之學吟集序曰  
余少也遊於牧隱先生之門坐客有若圃隱鄭先生  
惕若齋金先生陶隱李先生者視其容儀聽其談論  
知其一代偉人也自是心劫景慕焉與之從遊者二  
十餘年相許之分誠不淺矣金先生將奉使遼東余  
勉以一言先生重違朝命不敢請去卒有大理之行



不克復命嗚呼惜哉有惕若齋集

李崇仁字子安星州人號陶隱至正登第官至知密直  
司事與先生同遊學牧隱之門天資英銳文辭典雅  
牧隱先生每歎賞曰此子文章求之中國世不多得高  
皇帝嘗覽公之所撰表辭誠切中原士大夫觀其著述  
亦莫不歎服初拜典理掾即時與金九容等請却比元  
使坐流尋釋之尋初獄起與牧隱及先生連繫清州以  
水灾免又以鄭圃隱黨削職遠流尋卒有陶隱集

權近字可遠安東人號陽村至正癸巳生少先生六歲  
與先生同遊學牧隱之門洪武登第官至叅贊議政



府事稟資純粹學問夙成溫恭勤儉維德之行洙泗  
徽旨瀛洛格言潛心積力靡不窮源入學之說辨禮  
之論開發蘊奧有功聖門以牧隱黨與先生同繫清  
州以潦雨免年未享六旬卒謚文忠公○先生祭文  
曰乃值庚午同竄南荒上黨雨潦天意孔彰

李種學字

韓山人號麟齋牧隱先生之子洪武丙

辰登第官至簽書密直司事已巳同知貢舉先牧隱  
公卒初以牧隱公被誣事屢至流外徙邊又以彛初  
獄事與先生同繫清州以兩兒又以圃隱黨免爲庶  
人又杖流遠方卒



鄭地字 與先生同繫清州少有大志姿魁偉性寬

厚爲將好讀書通大義凡出入常以書籍自隨逮獄  
不服言必誓辭語慷慨放流退去光州恭讓三年被  
召未赴而卒

李鍾善字 韓山人牧隱先生之子麟齋之弟與先

生同繫清州洪武壬戌登第官至司憲府執義又以  
園隱黨免爲庶人

禹玄寶字原功丹陽人至正登第累遷執義左司議恭  
愍朝以癸卯初獄事與先生同繫清州恭讓朝同金仔  
獄事都評議司執玄寶與其子洪壽洪富洪康洪得



洪命及宗室南平君和等二十餘人并竄遠地臺諫  
交章請誅留中不下官至侍中卒謚忠靖公

姜淮伯字

晉陽人號通亭與先生建議革胡服襲

卒制又與先生置酒橫江公請命江名先生命以龍  
與

趙英茂字

漢陽人公爲二相先生爲首相時以久

旱與先生同避位又與先生獻議陞顏孟五聖陞子  
張十招以木主易塑像

趙璞平壤人與先生奉使入賀太宗皇帝登極上書

奏請奉誥印以來同侍宴清和亭



李唐與先生奉 教同修三國史略又與先生奉誥命印  
章來同侍宴清和亭

鄭以吾字達夫晉陽人號郊隱與先生共和鄭竹堂贈行  
詩謚文定公

李府使名字不傳以遺逸被廷舉知事蔚州又以功烈轉  
至米原府使嘗以東行錄示先生先生序其詩篇以贈  
之

吉井字井父海平人號治隱至正癸巳生少先生六歲洪  
武丙寅登第官至門下註書性穎悟清簡年十有二始  
學十六作詩曰臨溪茅屋獨閒居月白風清興有餘外



客不來山鳥語移來竹塢卧看書自是好讀書負笈尋  
師不憚遐險與先生同遊牧園諸先生之門始聞理學  
之至論庚午知國之將亡驛以母老棄官還鄉道經長  
湍訪牧隱告其志牧隱以詩贈之末聯云軒冕儻來非  
所急飛鴻一箇在冥冥退居鳳溪舊廬除官不起庚辰  
秋我太宗徵以太常博士卧不起州官督令如京師  
時先生與成獨谷共和贈詩有溪山勝處結茅廬心迹  
雙清與物疎之句公井上箋自陳不事二姓之志上  
嘉其節義優禮送之居家淡泊安靜輕財重義生理屢  
空怡然不以爲意對案危坐講明道學子竟日忘倦務合



程朱之志言必主忠孝闢異端緇流感悟而返本者  
數十人永樂己亥卒年六十七有治隱集

成石璘字

昌寧人號獨谷與先生共和古治隱茅

廬韻曰山下數間溪畔廬手栽松竹碧蕭疎細君洗  
盞開新醞穉子挑燈讀古書翫世肯爲中散鍛韜光  
正似子陵漁門前官道多冠蓋高卧從渠自覆車又  
與先生同建勲盟○先生贊公之譙坐圖曰維獨之  
慎曾思所傳聖門心學實此攸先維公之得益得其  
情維情之得子谷以名官至上相謚文景公

鄭復周字師古河東人號竹堂又號肉塊公將赴全



都觀察張相國子忠幕先生與諸賢共和贈行詩鄭  
郊隱以吾序其詩鄭敬齋渾近思堂仲繁又序其詩  
卷官至判典農寺事

李叔蕃洪武戊寅先生薦公定社庚辰佐命策元

勲同噍勲盟官至叅贊○東閣雜記曰太宗遂引

入寢室問計公公指先生曰此事皆權臣主之也今臣忠

清之行亦剪除羽翼之計若或遲留禍必立至不得

不今日發程也今安山郡守李叔蕃貞陵移安

軍到京此人可屬大事公遂行太宗召叔蕃告之

叔蕃曰此易如反掌耳何難之有



趙末生字

楊州人建文丁亥重試時先生爲讀卷

官官至判院謚文簡公

卞季良字

密城人號春亭受業於先生之門永樂

丁亥登第時先生其座主也官至大提學○公祭先  
生文曰皇矣上帝眷佑東鄙命我 聖后作之君師

乃生賢佐輔之翼之又曰嗚呼我輩瞻仰門牆舉蒙  
汲引身立名揚○五臺寺重修記曰余惟浩亭先生  
以碩德宏材佐我 聖上以登至治又曰季良門生  
也敢不欣然樂而同其願焉

尹淮字清卿茂松人號清香堂受業於先生之門官至



大提學謚文度公○公祭先生文曰淮時以畫虎之  
資習雕虫之技謬被千金之顧幸窺數仞之墻恩義  
具全比邨山而增重消埃莫報曾豺獺之不如今則  
靈柩即遙佳城已卜慟幽明之永隔秉紼嬰而長吁  
講席埋塵無復樞衣而受葉江干奠酌不知隕淚而  
盈襟公撰先生墓誌銘

權克中安東人永樂辛卯登第時先生知貢舉

先生師友門人錄依寒暄堂景賢錄例而景賢師  
友門人錄得載於寒崗文集中



附  
遺墨

同年朴孝子不見髣十霜住  
霍不求達思親歸故鄉怨

供子職百歲願康強親病

自代豈止湯藥嘗哀哉違永

訣泣血向蒼茫八旬如一日敢

謂無以傷廬墓雖非制孝



思見無疆

方今重孝理

盛業期冀唐忠臣必孝子行看

扶綱常

浩亭河  
崙

右先生贈朴孝子詩模來其宗孫家藏



董子曰道之大原出于天又曰統紀一而民知所從  
先生當勝國末葉門之說盛行雖學士大夫亦莫不  
誦佛祈福先生談笑而麾之廓如也葦胡服遵率制  
升享顏孟於聖廟以一統紀使吾東韓之人知所從  
而躋三代之域者皆先生賜也豈不盛哉若夫佐命  
定社之功載之國乘著於野史何敢容喙不幸雲仍  
中絕重經兵燹凡所著述散沒無傳後生小子但聞  
先生爲佐理元勲而漫不知先生文章道德之實寧  
不慨然肆惟我

英

宗大王特命立後以繼其世寔曠典也族人必奎甫於



國史及諸名勝遺藁中收拾得若干篇所謂泰山一  
毫芒然一鬣一羽可以知全鼎彩鳳又奚以多乎哉  
必奎甫未及成書而沒文圖甫重加校讐屬之剞劂  
印出於景忠齋不肖亦忝在相役不禁感慨之情略  
識數語于後肯崇禎四乙卯重午日後孫慶琪謹識



易乾之九二曰見龍在田利見大人九三曰飛龍在天利  
見大人此風雲相感之象惟太宗浩亭之事可以當之  
昔我先祖浩亭先生以天降良輔際國家維新之初屢被  
起復佐我太宗定社於戊寅佐命於庚辰奉誥即於癸  
未則其豐功偉績鐫在諸陵碑銘若碑陰記至若躋享  
廟庭并建勲盟參正文廟升顏孟於五聖子張於十哲真  
有功於聖門且况朝宗濂洛師友牧圃理學之祖輩胡龔  
華融排左道學文之力亦不可誣斯皆布在乘史前人之  
述已備如余後生末學未能管蠡其萬一然其曰恩若昊天  
加賜宴心如金石更無私者其曰猶魚有米伯仲伊



呂者豈非利見大人風雲相感之義耶世所謂車集雪冤  
錄此特一時恠鬼輩杜撰譖妄而既有朝命削其板則  
固不足有無辨明茲容因舌烏呼以若先生百世不祧之  
祀中葉嫡嗣不幸零替何幸英廟朝特蒙聖教繼世  
立後而其遺文盛績人代屬壇年紀寢遐殘篇短簡百無  
一存惟我先君子慨然有志於斯博采文苑彙成一冊齋  
恨未就近有梧坊齋所刊一本類多訛謬族叔文圖甫奮  
然有憾於心更加搜輯又成一冊今自景忠齋校其訛正  
其謬編冊二卷別爲序次如左而余小子亦忝在相役之  
列茲寓風樹之感云爾昔乙卯天中月後孫承範望于謹識



欽定四庫全書

欽定四庫全書

欽定四庫全書

四


四




乙卯五月日

景忠齋開刊











無  
所  
不  
知

二